



USTAVNI SUD BOSNE I HERCEGOVINE  
УСТАВНИ СУД БОСНЕ И ХЕРЦЕГОВИНЕ

## ELEKTRONSKA KOMUNIKACIJA

između Ustavnog suda BiH i ovlaštenih punomoćnika u postupku pred  
Ustavnim sudom BiH

Počev od 1. januara 2020. godine, advokati koji se pojavljuju u ulozi punomoćnika podnosilaca apelacija imaju mogućnost elektronske komunikacije sa Ustavnim sudom Bosne i Hercegovine

### Elektronska komunikacija sa Ustavnim sudom omogućava da se putem elektronske pošte:

- ▶ Ustavnom sudu dostavljaju apelacije sa priložima i sva druga pismena
- ▶ primaju sva pismena Ustavnog suda



### Prednosti elektronske komunikacije

- ▶ Efikasna
- ▶ Pouzdana
- ▶ Štedi vrijeme i novac
- ▶ Omogućava bolju preglednost i pretraživanje dokumenata
- ▶ Omogućava bolju organizaciju vremena (elektronska komunikacija omogućena je 24 sata dnevno, sedam dana u sedmici)

Prelazak na elektronsku komunikaciju provodi se postepeno. Prva, testna faza, otpočela je u martu 2018. godine i uključivala je ograničen broj advokata/advokatskih kancelarija.

Nakon uspješno provedene prve faze, počev od 1. januara 2020. godine, tj. od početka primjene Pravilnika o elektronskoj komunikaciji Ustavnog suda Bosne i Hercegovine, otpočet će druga faza, kao prelazni oblik ka punoj elektronskoj komunikaciji sa svim advokatima.

U ovom procesu Ustavni sud je spreman da, u saradnji s nadležnim advokatskim komorama, osigura tehničku obuku i podršku, u mjeri u kojoj advokati procijene da im je to potrebno.

Više detalja o elektronskoj komunikaciji sa Ustavnim sudom zainteresirani advokati mogu pronaći na internet stranici Ustavnog suda [www.ustavisud.ba](http://www.ustavisud.ba).

## Punomoćnik ima mogućnost da izabere u kojem obimu će ostvarivati elektronsku komunikaciju sa Ustavnim sudom

Punomoćnik koji želi da ostvaruje elektronsku komunikaciju u **punom obimu:**



- ▶ Nema ograničenja u vrsti dokumenata koje dostavlja elektronskim putem
- ▶ Elektronskim putem prima sve dokumente koje dostavlja Ustavni sud
- ▶ Podnosi zahtjev popunjavanjem posebnog obrasca (pristupnice), koji je dostupan na internet stranici Ustavnog suda
- ▶ Dostavlja Ustavnom sudu elektronsku karticu radi instaliranja certifikata, koji mu omogućava elektronsko potpisivanje dokumenata (u svim predmetima u kojima se pojavljuje kao punomoćnik)
- ▶ Apelacije i pismena kojima se obraća Ustavnom sudu obavezno elektronski potpisuje
- ▶ Potrebno je da posjeduje računar, elektronsku karticu za potpisivanje i čitač kartica\*


\* Ustavni sud ne ograničava model elektronske kartice i čitača koji će se koristiti, pod uslovom da istom zadovoljavaju određene tehničke standarde - daju mogućnost instaliranja odgovarajućeg certifikata za elektronsko potpisivanje

Punomoćnik koji želi da ostvaruje elektronsku komunikaciju u **ograničenom obimu:**



- ▶ Elektronskim putem dostavlja Ustavnom sudu pismena i dokumente, pri čemu elektronskim putem ne može podnijeti apelaciju, podnijeti zahtjev za uspostavljanje elektronske komunikacije, dostaviti posebnu punomoć za zastupanje pred Ustavnim sudom, odustati od apelacije i podnijeti zahtjev za preispitivanje odluke Ustavnog suda
- ▶ Elektronskim putem prima sve dokumente koje dostavlja Ustavni sud
- ▶ Ne popunjava pristupnicu već se opredjeljuje za elektronsku komunikaciju tako što na samom obrascu apelacije ili u posebnom podnesku navodi svoju adresu elektronske pošte
- ▶ Nije mu potrebna elektronska kartica
- ▶ Dokument koji dostavlja Ustavnom sudu potpisuje svojeručno, te nakon što ga skenira, dostavlja ga elektronskom poštom
- ▶ Potrebno je da posjeduje računar i skener

## Ustavni sud potiče punomoćnike da se odluče za elektronsku komunikaciju u punom obimu



### Zašto je bitan elektronski potpis?

- ▶ Omogućava provjeru autentičnosti/identifikaciju potpisnika i dokumenta
- ▶ Štiti integritet elektronski potpisanog dokumenta (bilo kakvim mijenjanjem dokumenta gubi se elektronski potpis)
- ▶ Daje informaciju o datumu i vremenu kada je dokument elektronski potpisan
- ▶ Elektronski dokument potpisan elektronskim potpisom ima istu pravnu snagu kao dokument na papiru i u odnosu na njega postoji pravna presumpcija vjerodostojnosti i cjelovitosti
- ▶ Elektronski potpis ima isto pravno dejstvo kao i svojeručni potpis
- ▶ Ukoliko elektronski dokument sadrži elektronski potpis, svaka druga forma potpisa ili pečata je nepotrebna